



Inatsisartunut ilaasortaq
Karl Tobiassen, Siumut
/Maani

Erngup nukinga pillugu § 37-mut apeqqummut nr. 156.2024-mut akissut

Asasara Karl Tobiassen,

Inatsisartut suleriaasianni § 37 imm. 1 naapertorlugu erngup nukinga pillugu apeqquteqaammik Naalakkersuisunut saqqummiussaqaqputit.

Apeqqutit uannit akisassanngorlugit innersuunneqaqput, matumanilu akineqarlutik.

Ulloq 16 juuli akissuteqarnissamut naatsorsuut pillugu akissut aggustip 5-iani akisassanngorneranut tunngatillugu allakkiamik kinguaattoorummik nassiussivunga.

Kinguaattoorneq ajuusaarnarpoq tamannalu aasaanerani sulingiffeqarnernut pissuteqaqpoq.

Inussiarnersumik inuulluaqqusillunga

Kalistat Lund

Allakkap ullua: 12-09-2024
Suliap normua: 2024 - 1222
Allagaatip ilisarnaataa:
24562459

Postboks 1614
3900 Nuuk
Oqa. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl



Inatsisartunut ilaasortaq
Karl Tobiassen, Siumut
/Maani

Erngup nukinga pillugu § 37 naapertorlugu apeqquteqaammumut nr. 156-2024-mut akissut

Asasara Karl Tobiassen

Inatsisartut suleriaasianni § 37, imm. 1 napertorlugu erngup nukinga pillugu Naalakkersuisunut apeqquteqaateqarputit.

Apeqqutitit uannit akisassanngorlugit innersuunneqarput. Apeqqutitit matuma kinguliani ataasiakkaarlugit issuarneqarput, akissuteqaatinnik malitseqartinneqarlutik.

1. Naalakkersuisoqarfiup “Suliffissuaqarnermi imaluunniit inuussutissarsiornermi suliassamut innaallagissamik tunisassiornissamut Kalaallit Nunaanni erngup nukinganik atuinissamut neqeroortitsiniarnerminut suleriaaserisaat” Rotterdamimi 10. maj 2022-imi saqqummiuppa. Tamatumunnga tunngatillugu paasisaqarusuppunga, 2024-p aallartinnerani immikkoortortap soqutiginnittunut tamanut agguaatissallugu aalajangersimasaa, tassalu piukkunnartussarsiornermut tunngasunik paasisutissat, Naalakkersuisuni naalakkersuinikkut nalilersorneqarerlutik akuerineqarnikuunersut?

Akissut: Naalakkersuisut Nunalerinermut, Imminut Pilersornermut, Nukissiutinut Avatangiisinullu Naalakkersuisoq piginnaatippaat, aningaasaliissinnaasunik siullermeerluni neqerooruteqartitsinissamut allakkiamut missingiut pillugu oqaloqateqarnissamut. Neqerooruteqartitsinerup aallartinnissaanut Neqerooruteqartitsinermut najoqqutassat inaarutaasut Naalakkersuisunit akuerineqartussaapput.

2. Paasisutissat agguanneqartut taakku soqutigisaqatigiinnut qassinut agguanneqarpat, taakkualu suliffeqarfiit nunani qassini - nunarsuup immikkoortortaanni sorlernit aallaaveqartuuppat?

Akissut: Maannarpiaq Naalakkersuisoq soqutiginnittunik nunatsinneersunik nunanillu tamalaaneersunik oqaloqateqarpoq. Allakkiaq soqutiginnittunut, nunarsuatsinni sumiiffinnut assigiinngitsunut agguarsimasunut nassiussuunneqarpoq.

Allakkap ullua: 12-09-2024
Suliap normua: 2024 - 1226
Allagaatip ilisarnaataa:
24352140

Postboks 1614
3900 Nuuk
Oqa.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

3. Paasissutissani agguaanneqartuni imarisaani arlaatigut ersarissuliorkuni tusarniaavigineqartunut Namminersorlutik Oqartussat, erngup nukissiorfiliorkermi nukissiarineqarsimasunilluunniit atuilluni suliffissuaqarnermi, piginneqataasinnaanannut tunngatillugu suleqatigiinnissamut tunngaviusinnaasunik saqqummiussisoqarpa?

Akissut: Neqeroorteqartitsinerup ingerlanissaa najoqqutassallu tassunga atuomassutillit suliarineqarput. Naalakkersuisuniit erngup nukinganik suliffissuarnik aamma/imaluunniit tunitsivissanik piginneqataanissamut najoqqutassanik aalajangiisoqanngilaq.

4. Naalakkersuisut qanoq suliniuteqarpat suliffeqarfiit nunatsinneersut tamatumani suleqataanissaat aqquutissiuukkumallugu aamma ilanngullugu, tamatumani Naalakkersuisoqarfiup toqqaannaq nunatsinneersunik peqataasoqarsinnaaneranut qanoq tapersersuiva?

Akissut: Imm. UKA2021/85-ip suliarineqarnerani akissuteqaammi allassimavoq, Naalakkersuisut erngup nukinganik isumalluutitsinnik nunatsinni aamma nunani tamalaani suliffissuaqarnermi atuinnissamut aningaasaliisinnaasunik pileritsatsitsinissaq kissaatigigaat.¹ Taamaattumik Naalakkersuisuniit nunatsinni nunanilu tamalaani soqutiginnittunik oqaloqateqarput.

Tamatuma saniatigut Nunalerinermut, Imminut Pilersornermut, Nukissiutitut Avatangiisinullu Naalakkersuisoq 2023-mi septembarimi Maniitsumi nunaqarfinnilu minnerni eqqaaniittuni innuttaasunik ataatsimiititsinernik arlalinnik ingerlataqarpoq, suliammut najukkaneersunik akuutitsinissaq qulakkeerniarlugu. Naalakkersuisut najukkaneersunik akuutitsinissaq taanna ingerlateqqinniarpaat.

5. Suliassaqarfimmi Naalakkersuisup paasissutissat qulaani eqqartorneqartut pillugit qaqugukkut Inatsisartuni ataatsimiititaliat susassaartut ilisimalikkat pillugit avitseqateqarnissaminut qanoq pilersaaruteqarpa?

Akissut: Naalakkersuisut suliassap ineriartornera pillugu Inatsisartuni ataatsimiititaliat ingerlaavartumik ilisimatittarpaat. Kingullermik 2023-mi decembarimi suliap ineriartornera pillugu Naalakkersuisut Inatsisartuni ataatsimiititalianut attuumassutilinnut ilisimatitsipput.

6. USA-mi Inflation Reduction Act-ip (IRA), maanna Nunatta neqeroortitsiniarneranut kinguaattoorluinnarsimasumut qanoq sunniuteqarnissaa naatsorsuutigineqarpa? Aamma, Inflation Reduction Act Suliffissuaqarnermi imaluunniit inuussutissarsiornermi suliassamut innaallagissamik tunisassiornissamut Kalaallit Nunaanni erngup nukinganik atuinnissamut neqeroortitsiniarnerminut tapertaalluarsinnaasutut imaluunniit akornusiisinnaasutut Naalakkersuisunit isigineqarpa?

¹ https://ina.gl/media/3zpcidsb/pkt85_em2021_bf33_tasersiaq_sn_1beh_da.pdf

Akissut: USA-p Inflation Reduction Act-iani (IRA), 2022-meersumi ilaatigut USA-mi nukissiornermi silallu pissusiani pitsaasumik allannguissamut tapersiisarnissaq siunertarineqarpoq. Inatsit USA-mi gassinik silaannarmik kissakkiartortitsisunik aniatitsinerup 2005-imi USA-mi NDC-mi (Nationally Determined Contribution)² allassimasumut naleqqiullugu, 2030-mi 50-52 procentinik appartinneqarnissaa pillugu USA-mi silap pissusianut anguniagaasumik qulakkeereqataasussaavoq. IRA ilaatigut kajumissaasiinertut ilusiligaasunik, taamaalillunilu amerikamiut nukissiutinik pilersuineranni nukissiutit ataavartut annertusarniarlugit USA-mi nukissiutinut ataavartunut aningaasaliinissamut nukittorsaataasussanik imaqarpoq.

Naalakkersuisuniit USA-mi Inflation Reduction Act (IRA) neqerooruteqartitsinermi sulianut tunngatillugu ingerlaavartumik ilisimatinneqartassaaq. Naalakkersuisuniit maannarpiaq IRA qanoq ililluni suliffissuarnut, Kalaallit Nunaanni sanaartorneqarsinnaasussanut sunniteqassanersoq pillugu misissueqqissaarnernik itisiliiffiusunik suliaqarsimangilaq.

7. EU-mi A Green Deal Industrial Plan for the net-zero age (Green Deal), maanna Nunatta neqeroortitsiniarneranut kinguaattoorluinnarsimasumut qanoq sunniteqarnissaa naatsorsuutigineqarpa? Aamma, A Green Deal Industrial Plan Suliffissuaqarnermi imaluunniit inuussutissarsiornermi suliassamut innaallagissamik tunisassiornissamut Kalaallit Nunaanni erngup nukinganik atuinissamut neqeroortitsiniarnerminut tapertaalluarsinnaasutut imaluunniit akornusiisinnaasutut Naalakkersuisunit isigineqarpa?

Akissut: EU-mi A Green Industrial Plan for the net-zero age (Green Deal) 2023-meersoq tassaavoq silap pissusianut nukissiornermullu pilersaarussiaq, EU-mi nukissiornermik silallu pissusianik allannguissamik siunertaqarfiusoq. Pilersaarummi ilaatigut kajumissaatitut ilusiligaasunik, EU-mi nukissiutinut ataavartunut teknologiiinullu mingutsitsinngitsunut aningaasaliisarnermik siuarsaaffiusussanik nukittorsaanaissaq aallunneqarpoq.

Naalakkersuisut naliliipput, "A Green Industrial Plan for the Net-Zero Age" (Green Deal) EU-mi mingutsitsinngitsunut aningaasaliisarnernut siuarsaataasasoq. Naalakkersuisut Kalaallit Nunaat EU-mi nunatut OLT-tut pilersaarummit qanoq ililluni sunnerneqassanersoq itisiliiffiusumik misissueqqissaarfigisimangilaat.

Naalakkersuisuniit EU-mi Green Industrial Plan neqerooruteqartitsinissamut tunngatillugu ingerlaavartumik ilisimatinneqartassaaq. Naalakkersuisuniit suliffeqarfissuit Kalaallit Nunaanni sananeqarsinnaasut qanoq ilillutik EU-mi Green Industrial Plan-imit sunniteqarfigineqassanersut itisiliiffiusumik misissueqqissaarfigineqarsimangilaq.

²<https://unfccc.int/sites/default/files/NDC/2022-06/United%20States%20NDC%20April%2021%202021%20Final.pdf>

8. Suliffeqarfik Danmarkimeersoq Ørsted, neqeroortitsiniarmi siullerpaanut ilaalluni soqutiginninnerminik nalunaaqqaartuusimasoq siornali aasakktu peqataaniarunnaarlutik nalunaarnerat pillugu Naalakkersuisut qanoq nassuiaateqarsinnaappat, tamatumani tunuarnerannut tunngatillugu sunik aallaaveqarsimanerat pillugu?

Akissut: Naalakkersuisut ingerlatseqatigiiffiit atiisigut taaneqartut suliassamut soqutigisaat aalajangersimasut pillugit oqaaseqarsinnaanngillat.

9. Naalakkersuisunit ilisimaarineqarpa maanna neqeroortitsinerminunaminertat tatsillu pineqartut erngup nukissiortitsisinnaanerata ima annertutigimmat, allaat Islandermiut ukiut kingulliit 50-it ingerlaneranni angujartuaarsimasaannut nukik pilersinneqarsinnaasup tungaatigut, taamak annertutigisoq nunatta maanna neqeroorutiginiarsarimmagu?

Akissut: Naalakkersuisunit Islandimi erngup nukinganik innaallagissiornerup annertussusia eqqumaffigineqarpoq. Naalakkersuisut maanna neqerooruteqarfiusuni erngup nukinga, ukiumut 9.500 gigawatt-tiiminik annertussuseqartutut missiliorneqartoq neqerooruteqartitsiffigaat.


10. Naalakkersuisunit eqqummaariffigineqarsimassaaq Europap avannaatungaani erngup nukissiorfiit annersaat Kárahnjúkar-imi Islandimi pilersinnaqarsinnaaneranut tunngaviit pingaarnersaat tassaammat ukiunut 40-nut atuuttussamik nukimmik pisinissamut /Power Purchasing Agreement-imik (PPA) Alcoa-mut isumaqatigiissuteqarsimaneq, tamatumani suliffeqarfiup Aluminiumut aatsitsivianut Fjardaál-imiittumut nukissamik aalaakkaasumik tunisassiornissaq tunngaviulluni. Taamatut iluatsilluarsimasumik Island-imi suliaqarsimaneq, illuatungeriinnit tamanit iluarineqarlunilu aningaasarsiorfiulluartoq taanna eqqarsaatigalugu paaserusunnarpoq Naalakkersuisut assinganik periuseqarlutik, taamalu nunatsinnut pitsaasumik angusaqartitsiumallutik, maani Nunatsinni isumaqatigiissuteqarsinnaaneq takorloorsinnaanerata?

Akissut: Naalakkersuisunit Islandimi Kárahnjúkar-imi erngup nukinganik innaallagissiorfik aluminiumillu aatsitsivik ilisimaneqarpoq. Naalakkersuisut assingusumik, kalaallinut naleqqussakkamik sananissaq kissaatiginaat pillugu Naalakkersuisut aalajangiisimannngillat.

11. Nunatta neqeroortitsiniarneranut, kinguaattoorluinnarsimasumut, tunngatillugu Naalakkersuisut suli neqeroortitsiniarluni periuseriniagartik suli pitsaanerpaamik erngup nukiga atorlugu suliffissuaqarfinnik pilersitsinissamut aqutissaasorivaat?

Akissut: Naalakkersuisuniit maluginiarneqarpoq, suli neqerooruteqartitsinissamut peqataanissamut nunatsinni nunanilu tamalaani soqutiginnittunik peqartoq. Taamaattumik Naalakkersuisut neqerooruteqartitsinermi suli at ingerlateqqissavaat.

Inussiarnersumik inuulluaqqusillunga



Kalistat Lund



8. juli 2024

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqutit:

- 1. Naalackersuisoqarfiup "Suliffissuaqarnermi imaluunniit inuussutissarsiornermi suliassamut innaallagissamik tunisassiornissamut Kalaallit Nunaanni erngup nukinganik atuinissamut neqeroortitsiniarnerminat suleriaaserisaat" Rotterdamimi 10. maj 2022-imi saqqummiuppara. Tamatumunnga tunngatillugu paasisaqarusuppunga, 2024-p aallartinnerani immikkoortortap soqutiginnittunut tamanut agguaatissallugu aalajangersimasaa, tassalu piukkunnartussarsiornermut tunngasunik paasisutissat, Naalackersuisuni naalackersuinikkut nalilersorneqareerlutik akuerineqarnikuunersut?**
- 2. Paasisutissat agguanneqartut taakku soqutigisaqaqatigiinnut qassinut agguanneqarpat, taakkualu suliffeqarfiit nunani qassini - nunarsuup immikkoortortaanni sorlernit aallaaveqartuuppat?**
- 3. Paasisutissani agguanneqartuni imarisaani arlaatigut ersarissuliorluni tusarniaavigineqartunut Namminersorlutik Oqartussat, erngup nukissiorfiliornermi nukissiarineqarsimasunilluunniit atuilluni suliffissuaqarnermi, piginneqataasinnaaneranun tunngatillugu suleqatigiinnissamut tunngaviusinnaasunik saqqummiussisoqarpa?**
- 4. Naalackersuisut qanoq suliniuteqarpat suliffeqarfiit nunatsinneersut tamatumani suleqataanissaat aqqutissiuukkumallugu aamma ilanngullugu, tamatumani Naalackersuisoqarfiup toqqaannaq nunatsinneersunik peqataasoqarsinnaananeranut qanoq tapersersuiva?**
- 5. Suliassaqarfimmi Naalackersuisup paasisutissat qulaani eqqartorneqartut pillugit qaqugukkut Inatsisartuni ataatsimiititaliat susassaqtut ilisimalikkat pillugit avitseqateqarnissaminut qanoq pilersaaruteqarpa?**
- 6. USA-mi Inflation Reduction Act-ip (IRA), maanna Nunatta neqeroortitsiniarneranut kinguaattoorluinnarsimasumut qanoq sunniuteqarnissaa naatsorsuutigineqarpa? Aamma, Inflation Reduction Act Suliffissuaqarnermi imaluunniit inuussutissarsiornermi suliassamut innaallagissamik tunisassiornissamut Kalaallit Nunaanni erngup nukinganik atuinissamut neqeroortitsiniarnerminat tapertaalluarsinnaasutut imaluunniit akornusiinnaasutut Naalackersuisunit isigineqarpa?**

7. EU-mi A Green Deal Industrial Plan for the net-zero age (Green Deal), maanna Nunatta neqeroortitsiniarneranut kinguaattoorluinnarsimasumut qanoq sunniteqarnissaa naatsorsuutigineqarpa? Aamma, A Green Deal Industrial Plan Suliffissuaqarnermi imaluunniit inuussutissarsiornermi suliassamut innaallagissamik tunisassiornissamut Kalaallit Nunaanni erngup nukinganik atuinissamut neqeroortitsiniarnerminut tapertaalluarsinnaasutut imaluunniit akornusiisinnaasutut Naalackersuisunit isigineqarpa?
8. Suliffeqarfik Danmarkimeersoq Ørsted, neqeroortitsiniarmi siullerpaanut ilaalluni soqutiginninnerminik nalunaaqqaartuusimasoq siornali aasakkut peqataaniarunnaarlutik nalunaarnerat pillugu Naalackersuisut qanoq nassuiaateqarsinnaappat, tamatumani tunuarnerannut tunngatillugu sunik aallaaveqarsimanerat pillugu?
9. Naalackersuisunit ilisimaarineqarpa maanna neqeroortitsinermi nunaminertat tatsillu pineqartut erngup nukissiorititsisinnaanerak ima annertutigimmat, allaat Islandermiut ukiut kingulliit 50-it ingerlaneranni angujartuaarsimasaannut nukik pilersinneqarsinnaasup tungaatigut, taamak annertutigisoq nunatta maanna neqeroortutiginisarsimmagu?
10. Naalackersuisunit eqqummaariffigineqarsimassaaq Europap avannaatungaani erngup nukissiorfiit annersaat Kárahnjúkar-imi Islandimi pilersinnaqarsinnaaneranut tunngaviit pingaarnersaat tassaammat ukiunut 40-nut atuuttussamik nukimmik pisinissamut /Power Purchasing Agreement-imi (PPA) Alcoa-mut isumaqatigiissuteqarsimaneq, tamatumani suliffeqarfiup Aluminiumut aatsitsivianut Fjardaál-imiittumut nukissamik aalaakkaasumik tunisassiornissaq tunngaviulluni. Taamatut iluatsilluarsimasumik Island-imi suliaqarsimaneq, illuatungeriinnit tamanit iluarineqarlunilu aningaasarsiorfiulluartoq taanna eqqarsaatigalugu paaserusunnarpoq Naalackersuisut assinganik periuseqarlutik, taamalu nunatsinnut pitsaasumik angusaqartitsiumallutik, maani Nunatsinni isumaqatigiissuteqarsinnaaneq takorloorsinnaanerak?
11. Nunatta neqeroortitsiniarneranut, kinguaattoorluinnarsimasumut, tunngatillugu Naalackersuisut suli neqeroortitsiniarluni peruseriniagartik suli pitsaanerpaamik erngup nukiga atorlugu suliffissuaqarfinnik pilersitsinissamut aqqutissaasorivaat?


(Inatsisartunut ilaasortaq Karl Tobiassen, Siumut)

Tunngavilersuut:

Nunalerinermut, Imminut Pilersornermut, Nukissiutinut Avatangiisinullu Naalackersuisoq Naalackersuisut sinnerlugit Rotterdam-imi maajip ulluisa quligani (10) 2022-imi

Oqaloqatigiinnissamut qaaqqusissut: "Suliffissuaqarnermi imaluunniit inuussutissarsiornermi suliassamut innaallagissamik tunisassiornissamut Kalaallit Nunaanni erngup nukinganik atuinissamut neqeroortitsinermit pisinnaatitsissutinullu suleriaasissat" saqqummiuppa.


Saqqummiussinermit atortut akornanni neqeroortitsinermit suliap ingerlanissaanut piffissamut pilersaarut una saqqummiunneqarpoq:



Uani nassaarineqarsinnaavoq: https://hydropower.gl/emner/tendering-and-licensing?sc_lang=en

Tassani atuarneqarsinnaavoq Piukkunnartussarsiornermi- aamma Pisinnaatitsissummik neqeroortitsiniarnermut piumasaqaatit tunngavigitinneqartussat upernaakkut 2023-imi saqqummiunneqarumaartut, tamatumani Piukkunnartussarsiorneq aasakkut 2023-imi ingerlanneqarnissaa – kiisalu Pisinnaatitsissummik neqeroortitsineq ukiup 2023-ip naalernerani ingerlanneqarumaartoq.

Upernaakkut 2023-imi Piukkunnartussarsiornermi- aamma Pisinnaatitsissummik neqeroortitsiniarnermut piumasaqaatit saqqummiunneqanngillat, Naalakkersuisoqarfiulli nittartagaatigut una assiliaq saqqummersinneqarpoq allamik oqaasertalernagu:



Uani nassaarineqarsinnaavoq: https://hydropower.gl/news/2023/05/0405_timeline?sc_lang=en

Tamatumani atuarneqarsinnaavoq Piukkunnartussarsiornerup ingerlanneqarnissaa maanna kingusissukkut 2023-imi ingerlanneqarumaartoq, Pisinnaatitsissummillu neqeroortitsinerup sinnera 2024-ip naajartulernerani piumaartoq.

Maluginiarnarpoq maanna 2024-imi ukiup qiteqqunnerata qaangiutlaarnerani suli saqqummiussaqqartoqanngimmat, ilisimatitsissuteqqartoqanngimmat aamma Politikikkut

oqaluuserinnittoqarnani Pisinnaatitsissummik neqeroortitsinissamut, maanna kinguaattoorluinnarsimasumut, piumasaaqatissat suunissaannik.

Taamaalilluni naatsersorneqarsinnaavoq Naalackersuisoqarfik suliamik ingerlatsisussa q minnerpaamik ukiup aappaa avillugu kinguaattooqqammat, nammineq suliap ingerlanissaanut piffissamut pilersaarusiamut maajip qaammataani 2022-imi saqqummiussaminnut naleqqiullugu.

Aamma oqaatigineqarsinnaavoq, siullermeertumik oqaloqatigiilluni isumasioqatigiinnerup aamma soqutigisaqatigiinnut tamanut oqaloqatigiinnerit 2022-mi ukiakkut ingerlanneqartut saniatigut, maanna allamik oqaloqatigiilluni isumasioqatigiinnernik nutaanik ingerlatsisoqarsimasoq allaatigineqarpoq. Naalackersuisoqarfik taamaalilluni ulloq 21. december 2023 nittartakkamini allappoq: *"In the beginning of 2024, the Government will initiate bilateral talks with interested parties on the prequalification documents and the exploitation license."*

Uani nassaarineqarsinnaavoq: https://hydropower.gl/news/2023/12/next-step-for-the-large-scale-hydropower-tender-in-greenland?sc_lang=en

Naatsorsuutigaara tamatta piukkunnarnersiulluni suliap ingerlanneqarnerani Naalackersuisoqarfimmiit soqutigisaqartut ataasiakkaarlugit oqaloqatigalugit ataatsimeeqatigineqarnerini suut saqqummiussorneqarsimasut ilisimalissallugit.

Taamaammat apeqqutit qulaani pineqartut saqqummiuppakka.

Ullut suliffiusut qulit iluanni akineqarnissara kissaatigaara